


Crauidensis Studior univ. Jagell.

Promotiones Ordinis Philos.

1725 25 octobr.



Krokowski Petri Hyacinthi. Armamentarium  
Palladis Jagelonicae victoribus in philosophi-  
co certamine athletis J. W. Dd. primae  
laureae Candidatis praesentatum.







# ARMAMENTARIUM

PALLADIS IAGELONICÆ

Victoribus in Philosophico certamine Athletis,  
X. VV. D.D. PRIMÆ LAVREÆ  
CANDIDATIS,

DUM

In Alma Vniversitate Cracoviensi

PER

*Clarissimum & Excellentissimum Dominum,*

D.M. ADALBERTVM  
ANTONIVM  
MICINSKI,

Philosophiæ DOCTOREM & Professore, Colle-  
gam Minorem, Contubernij Hierosolymitani  
SENIOREM,

Præsente Magnorum Hospitum Coronâ,  
AA. LL. & Philosophiæ BACCALAUREI  
Ritu Solenni crearentur;

A

PETRO HYACINTHOKROKOWSKI,  
Ejusdem Laureæ Candidato,  
Metrô & Calamô Gratulatoriô

PRÆSENTATVM.

Annô Domini 1725. Die 25. 8bris.



Typis Collegij Majoris, Universitatis Cracov:



MVI  
In Stemma  
ILLUSTRISSIMI & EXCELLENTISSIMI  
DOMINI.



FASCIA, quam spectas, adeò constricta videtur,  
Ut nullum ferrum solvere possit eam.  
In Sphæræ normam quòd sit formata rotundam,  
Æternis seclis cuncta parare docet.  
Omnes in Regno Fasces devinxit honorum,  
Vinciat ut tandem prospera quæq; Poli.



ILLVSTRISSIMO  
EXCELLENTISSIMO  
DOMINO.  
D. JOANNI  
DE MALACHOWICE  
MAŁACHOWSKI,  
COMITI in Mofzczenice, Rękoray & Konskie,  
PRÆFECTO OPOCZNENSI,  
Ad Comitia Regni Generalia ex Palatinatu  
Sandomiriensi LEGATO &c. &c.

Domino Mecænati Amplissimo.



*Arvoria non arma cano; nec Steropum  
malleis fabricatos divulgò enses, pacata  
potius Musarum certamina narro sine  
strepitu magno Tuo Nomini militantiã.  
ILLVSTRISIME DOMINE. Undiq̃  
etenim triumphorum ac victoriarum glo-  
ria circumfusus ILLVSTRISIMÆ DO-  
MVS Tux ambitus, adventitias non ad-  
mittit copias, satis ex se tutus, ipse terror adversorum. Mille  
hic propendent Chpei, in quibus domitus Oriens, defensus Oc-  
cidens, auctus laureis Septemtrio annotatur. Si devictas in-*



quiro Gentes, gemit sub MALACHOVIANÆ DOMUS  
pondere Otthomannus, Briarijꝫ instar, aut Enceladi glaci-  
alis Accola Maris & Baltica proximus Unda Gothus  
spirat sui ignominiam. Quippe assveta hostium Cladibus  
Polonia & suorum, quibus floret seculorum tractu nume-  
randis intenta triumphis in partem tanta gloriæ coævam  
sibi DOMUM provocat, provocatamqꝫ victricibus coro-  
nat laureis. Quæ vix ad summum immortalis famæ &  
celeberrimi per Orbem Nominis devenisset fastigium, ni  
Heroes inde defendendæ Patriæ natos, promovendæ para-  
tissimos derivasset. Non jactet jam Trojanum Græcia E-  
gvum iniquè ad delendam florentissimam Urbem dolosa in-  
dustria deductum. Vnde cum prædatrix potius, quàm vi-  
ctrix prodixisset Virorum phalanx, in flammæ abire fecit,  
quidquid illustre præclarumqꝫ adinvenit. Alia longè indo-  
les MALACHOVIANÆ semper extitit fortitudinis, cui  
dum non unam Carthaginem deletam æmula Romana Po-  
lona Libertas debet, aureos ibi perennaturæ famæ legit  
characteres, ubi illa ferreum stylum explicavit. Ad sum-  
mos Aborigenes, primaqꝫ Illustrissima Capita non ascendo;  
nam idem gradus esset, qui Phaetonteo ausui ruendi in  
præceps detestandum. Sisto in ILLUSTRISSIMO NI-  
COLAO CASTELLANO ROSPIRIENSI Abavo Tuo  
ILLUSTRISSE CAPITANEE. Vir hic robur Pa-  
triæ, consiliorum nervus, publicæ incolumitatis salus, toties  
pro communi omnium stetit bono, quoties id securitatem &  
tutelam exposcebat. Non absimile heroæ virtutis decus eni-  
tuit in ILLUSTRISSIMO FRANCISCO MALACHO-  
WSKI, CASTELLANO SIRADIENSI, ad cujus con-  
spectum Otthomannica Luna mutare faciem, rubere, palle-  
reqꝫ visa; cum sydus Barbaris infestum, Civibus salutare  
Zodiacum percurrit triumphorum. attigit eandem Majorum  
gloriam, imò sua præcessit activitate ILLUSTRISSIMUS  
PARENS TVVS, PALATINVS POSNANIENSIS. Ad  
Palatinam Dignitatem patenti meritorum itinere deveni-  
ens, quidquid fortissimum, Castris, quidquid prudentissimum  
intu-



intulit Consilij. Ab uno ejusdem vultu & Martius erum-  
pebat in hostes terror & amor erga Cives prominebat. Do-  
cumento est Sollemnissima ad Portam Ottomannicam Lega-  
tio huic commissa Senatori, qui vel ipso dicendi pondere  
mobiles ad bella animos valuisset superare. Pax & tri-  
umphus, licet nunquam uno coalescant nexu, hic tamen ita  
pro stabilienda pace egit, ut si Asiaticæ Genti non placeret  
quies, bellica obtulisset certamina, Sarmaticis certò trium-  
phis terminanda. Provocat in adorationem sui primum  
poplitem Præfuleum Nomen **CELISSIMI OLIM IL-  
LUSTRISSIMI & REVERENDISSIMI, IOAN-  
NIS MALACHOWSKI, EPISCOPI CRACOVIE-  
NIS, DVCIS SEVERIÆ.** Quis non coleret ad Divum Aras  
Sanctum, ad Senatorios Convventus prudentem, in erigenda  
Templa liberalem? Reliquit gratiarum suarum **IOAN-  
NES** monumenta, in quibus nunquam moriturum Nomen  
**MALACHOVIANÆ** exaratum fama legendum inimi-  
nentibus seculis proponetur. In **ILLUSTRISSIMO** olim  
**ADAMO MALACHOWSKI, CASTELLANO INOWIODEN-  
SI,** quas virtutes antea vidēre tempora, quas dotes Cu-  
rulis, prætextisq; dignissimas coluere, pares præsentia in  
**ILLUSTRI** ac **MAGNIFICO ADAMO MALA-  
CHOWSKI, CASTELLANIDA INOWIODENSI,** non degenerare à  
virtutibus Paternis Filio ad magnas honorum spes promo-  
vent. Inferunt sese in augustum illustris gloriæ amphithe-  
atrum tot alia **ILLUSTRISSIMORUM MALACHO-  
VIORVM** Nomina, non tantum Domesticis Fascijs, sed  
Patrijs externisq; Fastis annotanda. **ILLUSTRIS** ac  
**MAGNIFICUS IOANNES, PINCERNA WIELV-  
NENSIS** omnimodam æstimationem, **NICOLAUS SUB-  
DAPIFER VENDENSIS,** plusquam aureum sui pretium gemmeo  
meritorum censu vindicârunt. **ILLUSTRISSIMVS AN-  
DREAS CAPITANEUS SMOTRICENSIS ILLUSTRISSIMÆ  
DOMVS** ornamentum, egregiarum compendium virtu-  
tum in eam processit augem, unde maximis par resulgeret  
honoribus. Hæc sunt **MALACHOVIANÆ** auctoramē-



ta gloria in Tuum ILLUSTRISIME CAPITANEE  
relucetia plausum, quæ si cum CELSISSIMIS LUBO-  
MIRIS S. R. Imperij Principibus conjunxeris, jam cernis  
Principum Mitras, Regum, Caesarumq; Coronas in Tuae glo-  
riae consiniis per Affinitates conjunctas apparere. Ab au-  
gusto Romanorum DRUSSORVM Fonte profluens SRZE-  
NIAVA, plusquam Gangeticas Tibi vebit opes, omnibus  
honorum insignibus Tibi commendatas. Plus tamen de-  
currenti per Regum solia ac Oceanum involventi gloriae  
CELSISSIMO FLUMINI debes, quod ab alto illius in  
unionem MALACHOVIANÆ LVBOMIRIÆq; Fami-  
lia gemma emerferit ILLUSTRISIMA ANNA PALA-  
TINA POSNANIENSIS, LUKOVIENSIS, KRZECZOVIENSIS, CAPITA-  
NEA, Parens Tua. Cujus mentis candor è medijs vel  
ideo probatur SRZENIAVÆ laticibus, quod semper nite-  
at illibatus. Profundus erga Superos cultus, effusa in ege-  
nos liberalitas, SRZENIAVIANÆ sunt aptitudinis  
argumenta. Dotibus Illa animi cum suum pratergressa sit  
Sexum adhuc Grachorum adinstar Matris, Te Fi-  
lium pretiosissima existimat aestimatq; cimelia. Qualis ete-  
nim futurus erat vitæ Tuae merities, aurora infantie mon-  
stravit. Adhuc alumno gestabaris gremio, & jam gravi  
supercilio Cato levitati minabaris. Necdum infantiles ex-  
cessisti annos, jam suavitate verborum Plato, sensuum o-  
raculis Delphicum Numen cunctorum animis Te exhibu-  
isti. Adhuc Rhetorica non calluisti præcepta, jam de vir-  
tute in virtutem optimam gradationem instituere sciivisti,  
etatem animo præcedente. In aurea etate Tua literis di-  
cata tantum pretium conquisiivisti, hanc aestimationem ad  
exteros soles, quos spectasti, es promeritus, ut à Princi-  
pibus Viris honorem, ab omnibus cultum haberes singu-  
larem. Et non mirum est: etenim profunditas Tui judi-  
cij, prudentia ipsis maturior annis, senum etati par mo-  
rum gravitas, hanc ab exteris promeruit aestimationem.  
Tantis talibusq; dotibus illustrem cum Te exteri viderint  
Principes, in Tuarum Virtutum encomijs totius Polo-  
nia laudes incluserunt. Redux tandem post plurium an-  
norum



norum recursum in Patriam, post emensa tot Regionum spatia, post continuum animi & corporis motum, absentiam Tuam presentissimis meritorum Tuorum comparasti documentis. Illico namq; ex Ducatibus Oswiecimensi & Zatorienſi Iudex ad Tribunal Regni Deputatus, Polonæ Themidis oracula adeò vulgasti fideliter, ut justī defensor, iniqui oppugnator strenuissimus dici merereris. Iudicium Tuum quis functionis Tuæ tempore non probavit, cum Te Pupilli pro domo sua facundiores Tullio, Egentiores liberiorum Tytō sint experti. Lacrymis illi pro se, Tu pro illis voce certasti, horum ne caderet causa, eam subsidijs munificentia Tuæ erigebas. Evocârunt Te mox libera Palatinatus Sandomiriensis voces ad Generalia Regni Comitia Legatum, ubi ad illarum stetisti votum: exactè absolutis Tuis officijs probans, quantum bono proderis publico, dum Te Patria in dies ad majora provocabit. Erexisti adeò his meritorum praludijs affines Familias in optimas succrescendi spes, ut DUCVM de OSTROG & ZBARAZ clariùs splenderent CYNTHIÆ, DANILOWICIANA serenius niterent SIDERA; SAPIEHARVM, MICIELSCIORVM SAGITTÆ in sua puncto consisterent felicitatis, HERBVRTORVM, PRZEREMBSCIORVM fulgerent ENSES, POTOCCIORVM CRUCES, in immortalia non peritura fama trophæa commutarentur, ad aureū Libertatis vellus strenuè excubantes BYKOWSCIORVM cernerentur GRYPHES. ILLUSTRISSIMÆ verò LIGEZARUM, DONHOFFIORUM, ROZRAZEWSCIORUM, JORDANORUM, WIELOPOLSCIORUM, ZLOTNICIORUM, LANCKORONSCIORUM, MICHALOWSCIORUM, CZERNIORUM, BELZECCIORUM, SIEMIENSCIORUM, NIELEPCIORUM, TUSZYNSCIORUM, WARSZYCCIORUM, GRODZINSCIORUM, DAMBROWSCIORUM toti-



usq; Orbis Poloni Familia de Te sua cernunt omina miran-  
turq; coronata. His magnarum Familiarum Armis undiq;  
circumdatus, non video, quod debeas imbellium Musarum  
suscipere Armamentarium, sed protegentis vice suscipe, ut sub  
**MALACHOVIANI** Nominis labaro Palladiana mili-  
tans Cohors, quos merebitur triumphos, non sibi, sed Tuo ad-  
scribat patrocino. Sufficiet illi unus Tuae **FASCIÆ** nexus,  
quo ligatis adversorum impetibus, cunctas sibi victorias o-  
bligabit. Quare pande Illustrissimæ Teniæ decus, certam  
triumphandi spem: ita non literario Armamentario, quam  
sub signo gratiarum Victor cedam in perpetuum Nominis  
Illustrissimi obsequium.

**ILLVSTRISSIMÆ & EXCELLENTISSIMÆ  
DOMINATIONIS VESTRÆ**

Servus humillimus & Cliens

**PETRUS KROKOWSKI**  
Author Operis.



FORTISSIMO  
LAUREARUM ACADEMICARUM

TUTORI,

D. JOANNI

CANTIO,

Regni Poloniae & Universitatis Crac:

PATRONO.

ODE VOTIVA.

Hostium terror subito recedat  
Cardines extra borealis Orbis,  
Quando speratur superis ab Astris  
Dulce juvamen.

Nil potest pro tunc inimicus ardor,  
Ferveat quamvis nimios in æstus;  
Impetus omnes redeunt in illum,  
Quos struit Author.

Dura quantumvis hebetantur arma,  
Nec venenatae feriunt sagittæ,  
Quem manus Divum juvat & tuetur  
Hostis ab ense.

Bellâ molliri cupiat Britannus,  
Evibret Byſton gladios, eorum  
Luce perculsus properabit ultra  
Limina mundi.

B. Sic



Sic enim Divûm timuêre dextram  
Vidimus Gentes, quæ inimica tollunt  
Arma contra nos, siquidem juvamus  
Numine ab alto.

Primus en Nobis Pater & Patronus,  
Orbis Arctoi Cynosura fulgens  
CANTIUS præsto est nocitura quævis  
Bella domando.

Hostium motus quatiat Poloni  
Orbis anfractus, clypeata totis  
Agmina in Campis statuuntur, illa  
CANTIUS arcet.

Ardeat flammis Oriens coruscis,  
Bessus & Thraces vocitent ad arma  
Sarmatas, illis tribuet IOANNES  
Signa triumphii.

Palladis quare stetimus theatro  
Hostis ignavi domituri acerba  
Tela, Tu nobis Coryphæus esto  
Dive Patrone.

Ianuam doctæ referta Minervæ,  
Dux in arcanis præeas Sophorum,  
Laureæ nostræ benedic, precamur  
Corde profundo.

Fiet hoc quando Pater Alme CANTI,  
Ad Tuos sacros cineres Clientes  
Fundemus votum, precibus Polorum  
Tecta premendo.



CLARISSIMIS & EXCELLENTISSIMIS  
DOMINIS

DD. EXAMINATORIBUS.

*Clarissimo ac Excellentissimo Domino.*

D. M. ADALBERTO  
MICIŃSKI,

Philosophiæ DOCTORI, & Professori, Collegæ Minori, Contu-  
bernij Hierosolymitani SENIORI, ac interea Philosophicæ  
Facultatis DECANO.

*Clarissimo ac Excellentissimo Domino,*

D. M. PETRO  
SZYMAKOWSKI,

Philosophiæ DOCTORI Regio Professori, Collegæ Majori.

*Clarissimo ac Excellentissimo Domino,*

D. M. IOANNI CHRYSOSTOMO  
TORTOWSKI,

Philosophiæ DOCTORI, Collegæ Minori, ibidemq; Ordi-  
nario Poëseos Professori.

In Argumentū debitæ venerationis & gratitudinis

GRATIÆ IMMORTALES.

Quæ penna vestram laudibus inclytis  
Sub astra possit tollere gloriam?

Qvis aureos virtutis actus

Ore suo resonabit Orbi?

Vos non Apollo, non Thamyra Lyra,

Non gratiosum pecten Arionis,

Non Orphei fides valebit

Pierijs celebrare plectris.

B 2

Fera



Feras Philammon, saxa sed Orpheus,  
Amphion altas impulit arbores  
Saltus ad aptos, non tamen Vos  
Eloquio resonare possent.

Quàm celsa Vestrùm splendet honoribus  
Regnatq̃ virtus, quàm sapientia  
Refulget in Vobis, ut illam  
Nec Pericles satis explicâset.

Virtute quanta Regno Academico  
Fulgetis annis pluribus, edocent  
Ipsæ Cathedræ, doctiores  
Quas Patriæ patuistis esse.

Vobis Apollo munera gemmea  
Parat, Camænæ facta perennibus  
Fastis reponunt, atq̃; laudes  
Incipiunt memorare Vestras.

Primus, sacrati gloria Apollinis,  
Adest DECANI murice fulgidus,  
Qui semper est inter Sophorum  
Congeriem Cynosura fulgens,

Hunc summa virtus, Hunc probitas sua  
Ad alta tollit culmina gloriæ,  
Hunc Musa cunctis gratiosa  
Ingeniô beat eruditô.

Illius almas carmine debito  
Referre dotes, est opus arduum,  
Silere sed laudes peramplas  
Maxima laus feritur per Orbem.

Ergo palato apponere dexteram  
Decet, nec amplas laudis adoreas,

Qui-



Quibus MICINSKI sat refulget,  
Convenit enumerare metro.

Te SZYMAKOWSKI quo referet tono,  
Frontemq; cinget Cynthus, Hyblave;  
Dum fama Te dicat, novenna  
Turba canit potiore plectro.

Quamvis Apollo Te citharâ suâ  
Vulgâset Orbi, sed sibi vendicat  
Te Musa Novodvorsciana  
Ingenij gravitate notum.

O quàm secundos nôsse favonios  
Classes fatentur, vellus ad aureum  
Has quando duxisti Professor  
Per scopulos solidi laboris.

Tandem stetisti faustus in area  
Docta Sophorum, denuo redditum  
Cuncti Platonem Te stupebant,  
Rostra suum Periclem probârunt.

Tu gratiosas cum Cinea rosas  
Ab ore profers, Nestora gemmeo  
Sermone vincis, ut perenne  
Et decus & pretium reportes.

Favent & omnes pectore candido  
Tibi Camænæ vir meritissime  
TORTOWSKI & amplû Te per Orbem  
Fama vehit citiore penna

Dotes probatas narrat Athæneum  
Illustre Craci, scripta renuntiant

C

No-



[ Nomen per oras, quæ dicâsti  
Principibus Lechicis Pericles.

Stagyræ plausus dat Tibi Nobiles,  
Jovis cerebro proveniens Dea  
Suum JOANNEM gratiosa  
Ingenio celebrat sagaci

Tibi sonorum carmen Apollinis  
Ab ore prodit, Virgilium metro  
Aequare poscis, quod probatur  
Pluribus eximijs opellis.

Majora longè munera gloriæ  
Viri meretis, sæcula quæ dabunt.  
Nos impares eis Pòetæ  
Obsequijs redimemus illa.

Ergo coronet dextera Numinis  
Alti favores, divite quos manu  
Fudistis in Nos, pro quibus nunc  
Vota damus pia corde Vobis.

Annos seniles vivite, serviat  
Fortuna Vobis, floreat omnium  
Honos coronatus, suprema,  
Quam meruit, potiatur auge.

Adversa nunquam nôsse pericula  
Sciatis, ut Vos Orbe benignior  
Fortuna gestet, hoc precamur  
Pectore veriloqui clientes.

ARMA-



# ARMAMENTARIUM PALLADIS IAGELONICÆ

Victoribus in Philosophico certamine Athletis

## PRÆSENTATUM.

II. V.D. ANTONIO ZWAN,

Galea, quâ armata ex cerebro Jovis prodijt Pallas

CUM LEMMATE

*Ut cætera servet.*

**M**ajorum jactare Genus virtute coruscum,  
Est non postremum dexteritatis opus.  
Pulchrum quippe puto præclarum Nomen Avorū,  
Pulchrius ast illud, quod probitate venit.  
Hoc felix remanes ANTONI Palladis Orbe,  
Quod potior cunctis semper utrumq; geras.  
Sat multum splendoris habes ex dotibus almis.  
Verum plus addit clara propago Tibi.  
Hac de stirpe Tuæ ducis primordia vitæ,  
Quâ prodire Polo tot meruere Viri.  
Ad numerum revocare volens hos, stricta pagella  
Parva foret, Fastis esse necesse puto.  
Ergo libens taceo: magnum sed Nomen Avorum  
Interna solùm mente Pòeta colo,  
Tu vigeas felix veniens ab origine tanta  
Sors adversa Tibi nulla nocere queat.  
Palladis en Galeam referas, *ut cætera servet.*  
Membra, sub hac tutus noxia cuncta domes.



III. V.D. THADÆO SMOLIKIEWICZ, Crac:

Securis, cujus ab ictu ex Capite Jovis pro-  
gnata fuit.


CUM LEMMATE,

*Struet una Colossus.*

**M**agnanimos Heroas, in arma parata Virorum  
Pectora, quòd nunquam Cyclopea tela repellant



Ex acie Martis, non est mirabile factum.  
Fortis enim quoties adversis sponte periclis.  
Vexatur, toties stimulator ad ardua quævis.  
Claviger in cunis heros jam deprimit angves,  
Mille viri Spartæ non terrent Xerxis ocellos.  
Te SMOLIKIEWICZ haud ignorantia magnus  
Ingenijs hostis, poterat confundere quondam.  
Strenuus hunc contra quot tantum bella movebas,  
Tot semper palmas meruisti ferre triumphis.  
Indolis egregiæ specimen dignoscitur in Te,  
Nil est quod tandem possit reprehendere quisquam.  
Dotibus his clarus saturnia secula vincas,  
Adversæ sortis nunquam experiare flagellum.  
A me Palladium referas, quam dono, securim,  
Hæc Tibi pro multis laudum *struet una Colossus*.



IV. V.D. JOSEPHO DEKŁOS,  
Affixa Galeæ Ala, quâ instructa promptior in  
hostem ivit.

CUM LEMMATE,

*Serpere nescit.*

**O**Rnatum Galeæ jactet Romana vetustas,  
Novimus haud illum Palladis esse parem.  
Cygnorum pennis Galeas ornâsse Quirinos,  
Credimus, ast famæ Pallas amica gerit.  
Has Tibi pro meritis statui donare IOSEPHE,  
Gloria namq; Tui *serpere nescit* humi.  
Crescis ad annorum seriem virtute decorus,  
Ex post ut messem laudis habere queas.  
Te celebrem perhibet, quam curas, svada Periclis,  
Omnimodè sed vult Te esse Stagyra suum.  
Te studium solersq; labor commendat abundè,  
In quo persistens Carmine dignus eris.  
Te pietas ornat Cælo gratissima virtus,  
Extollit candor, non ne secundus ades?

Innuo



Innuo, non narro tantum præconia laudum,  
Ista labore Tibi plura parare potes.  
Ergo silere decet, referendo hoc pectore votum  
Vt felix vivas Palladis Orbe diu.



V. V.D. JACOBO SUROWIECKI,

Currus militaris à Pallade excogitatus

CUM LEMMATE

*Hæc sunt signa triumphæ.*

**P**Risca Gens bellum quoties paravit,  
Falcibus currus gravidos in hostes  
Obvios vexit toties, eorum

Colla metendo.

Tu SUROWIECKI clypeata tentas.  
Hostis ignavi superare Castra,  
Palladis Curru sedeas, & illa

Omnia vinces.

Non minax ensis, nec acuta doctos  
Tela Victores faciunt, sed arma  
Palladis, tuti quibus efferata

Prælia frangunt.

Tale munimen placuit IACOBO,  
Quo potens densas acie cohortes  
Militem vicit, meruit superbæ

Præmia laudis.

Ergo Victorem veneror, Minervæ  
Dans ei Currum, spatioso ut Orbe  
Omnibus clarè mea dicat: hæc sunt

*Signa triumphæ.*

D

VI.




VI. V.D. ANTONIO  
KLECZKOWSKI,

Lorica à Gradivi fulmine pectus muniens.

CUM LEMMATE

*Armat & ornat.*

**P** Rocul Gradivi cedit fulmina,  
Exeste glandes Martia pectora  
Eviscerantes, est quietus.  
Quem ære rigens rutilans & auro  
Lorica munit. Tela movet sua  
Infensus hostis mentibus omnium  
Te contra KLECZKOWSKI. Minervæ  
Arma leves, perimas ut illum.  
Illata virtus omnibus est Tua,  
Quâ, gloriose Palladis arêa  
Certando, fulges, promereris,  
Ut solitam referas coronam,  
Genus Parentum Nobile Te decet,  
Sed non minorem juncta modestia  
Integritati addit decorem  
Et celebrem facit orbe docto.  
Ergo secundus cuncta perardua  
Vincas & à me munera Pallados  
Assume, Loricam, ista namque  
*Armat & ornat inermis pectus.*



VII. V.D. ALBERTO OLKUSKI,

Hausta, quâ in Campo sapientiæ mentium hostem  
profligat.


CUM LEMMATE,

*Ferienda ferit.*

**I**N Cineres resoluta suos, tenuemq; favillam  
Urbs Trojana manet. Regum sed facta vigeunt.  
Hi quoties hominum in frontem prodire solebant;  
Sufful-



Suffulti toties hastis crispantibus omnes  
 Cernebantur, eos magnâ comitante catervâ.  
 OLKUSKI medios in campos Palladis almæ  
 Prodis, horribiles victurus mentibus hostes,  
 Hæc Tibi magnanimas vires hastamq; ministrat,  
 Protinus ut validos quamvis, devincere possis.  
 Non paveas acies densas, rigidosq; mucrones  
 Non tormenta, globos ferientes corda Virorum;  
 Cum manibus teneas hastam Tibi forte relatam,  
 Quæ ferienda ferit, neq; perplacet hostibus ullis.  
 Ergo bella geri valeas habitura triumphos,  
 Dum Tibi spondet opem non parvam ferre Minerva,  
 Devinces hostem, supremos faustus honores  
 Scandes, quos meruit virtus, meruere labores.



## VIII.V.D. ANTONIO WATROPSKI,

Scutum insigni opera Phidiæ elaboratum &  
 Palladi oblatum


CUM LEMMATE

*Ab hoc tutela decusque.*

**M**Oribus, imperio, tectis & lege carentes  
 Getuli pueros infantes veste parata  
 Ex clypeis orrent, res certè magna videtur.  
 Quot clypeos etenim spectans numeravit ocellus,  
 Hac de stirpe Viros, tot sistere vidit in Orbe.  
 Palladis in Regno quotquot nascuntur Alumni,  
 Induit hos subito scutatis vestibus omnes.  
 Hæc Te WATROPSKI Iagelonica Pallas inermem  
 Sorte beat, cum scuta Tibi secura ministrat.  
 Egregias novit dotes, virtute coruscum  
 Vidit & ad quævis subeunda duella paratum  
 Invenit, quæ docta cohors assueta movere,  
 Te gravitas morum, Te mens matura perornat,  
 Addit & ornatum pietas virtusq; modesta  
 Majorem, studij fervor commendat alacris.



Quare Palladio renitens his dotibus Orbe  
Faustus vive diu, tum scutum Palladis à me  
Accipe, magna Tibi sit *ab hoc tutela decusque.*




IX. V. D. A N D R E Æ  
M U S Z Y N S K I,

Vexillum, sub quo Milites Palladij existunt.

C U M L E M M A T E

*Audentes fortuna iuvabit.*

**N** Omen Alexandri spatioſo claret in Orbe,  
Gessit enim forti prælia multa manu.  
Vexillum Princeps binis ornare columnis  
Iussit, ut Herculeum lemma notaret eis.  
Ivit plus ultra, donec devicerit Orbem,  
Sic ejus dici terror adusque solet.  
Laus nomenq; Tuū MUSZYNSKI ut clareat, illud  
Vexillo inscripsit docta Minerva suo.  
Verus Eques Musarum & Miles Apollinis exstas,  
Ut studio semper, sic probitate nites.  
Non gladio stricto, sed ea virtute triumphas  
Hostiles turmas, quam Tibi Musa dedit.  
Vestigijs optas germani insistere Fratris,  
Intentum, voveo, prosperet ipse Deus.  
Vexillum referas à me, quod Palladis esse  
Noscas & sub eo fortia semper age.  
Audendum est etenim, *audentes fortuna iuvabit,*  
Sæpius audaces io triumphæ canunt.



X. V. D. MARTINO BROZYNSKI,

Medusæ terribile hostibus Caput in manibus  
Palladis existens.

C U M L E M M A T E

*Terret, ut vincat.*

Ad



**A**D triumphales cupis ire plausus,  
Laudis in centrum citius venire  
Quisquis intendis, properes per arcta  
Quæq; viarum.

Certius, non est iter ad perennem  
Gloriam quam quod solidi labores  
Indicant: segnes animos honores

Sunt procul omnes,

Hinc Tibi longas series laborum  
Ferre BROZYNSKI placuit, theatro  
Laudis ut semper niteas, refulgens

Dotibus almis.

Bella cum mentis quoties gerebas  
Hoste, victrices toties corymbos  
Ferre sivevisti, Tibi docta Pallas

Munera donat.

Quæris, hæc quæ sunt caput est Medusæ  
Horridum visu satis, ergo; namque

Terret ut vincat, licet horis ampli

Castra nociva.



I. V. D. PETRO KROKOWSKI,

Primæ Laureæ Candidato

AUTHORI OPERIS

In vim mutui affectus & gratulatorij applausus,

ANTONIUS MICHAEL ZWAN,

Classicum, quo in Helicone Musas contra ho-  
stem Animorum Ignorantiam animat, offert

CUM LEMMATE

*Vires animumq; ministrat.*


**N**Ostras Aonio celebraſti carmine laudes,  
KROKOWSKI, à Nobis mille referre meres.  
Hunc etenim Te Muſa colit, quem prodidit Orbi  
Illuſtris titulis clara propago Domûs.  
Dotibus egregijs clares, virtute coruſcas,

E

Certe



Certè nil in Te quod replicemus, adest.  
 Vix Te nobilior luci Lucina retexit,  
 Illico monstravit, postea qualis eris.  
 Non ætate magis, studiò quàm crescere nôesti  
 Morum, quos in Te quisq; videre potest.  
 Te gravitas ornat, concessa modestia paucis  
 Commendat, decorat, qui pudor ora subit.  
 Ingenij dotes quòd si quis spectet avitas,  
 Hæ sibi corde Tuo promeruere locum,  
 Est Tibi facundæ suavissima gratiâ lingvæ,  
 Maturumq; simul mentis acumen adest.  
 Omnia sunt in Te KROKOWSKI, munera laudum,  
 Quas Nobis cecinit carmine Musa Tua.  
 Ergo Sauromatas superet Tua fama superstes,  
 Auribus attonitis audiat Orbis eam.  
 Classicum ovale Tibi tribuit galeata Minerva,  
 Hostes illius vincere voce scias.  
 Istud crede mihi vires animumq; ministrat,  
 Hostes adversus, quando nocere volunt.  
 Hoc animatus ovans nocituro mentibus hosti  
 Obis, atq; ab eo magna trophæa feras.



Eidem Authori Operis  
 V.D. PETRO KROKOWSKI,  
 IOSEPHUS ANTONIUS DEKLOS,  
 Lyrico Carmine applaudit.

**A** Ssurge plaudens Carminis entheo  
 Apollo pulsa dulcisonam Chelym.  
 Plaudatis & vos ô Camœnæ!  
 Cum citharis comitando Phæbum.  
 Excelsa Pindi culmina linquite,  
 Huc ferte gressum perspicui Viri  
 Laudes ad astra transferendo.  
 Unanimi fidum tenore.

Dic



Dic fama quæso! dic bene poscimus!  
Quis celsa scandit culmina gloriæ?  
Magnus KROKOWSKI, qui sonoras  
Promeruit retinere laudes.  
Excelsa virtus & sapientia  
Non imbecillis, quâ Iagelonico  
In Orbe claret, reposcit,  
Ut meritam referat coronam.  
Hunc syada Tulli, tum pietas decet,  
Modesta virtus omnibus exhibet  
Nobis colendum, quem & Paternum  
Orbe facit renitere Nomen.  
In ejus amplas laudis adoras  
Pœta velox cum volo surgere,  
Vires ad hoc munus supremum  
Sentio me minimas habere.  
Ergo Camœnæ plaudite plaudite,  
Ego silebo! Phæbe perarduis  
Descende collibus KROKOWSKI  
Plecte rosâs citius coronam.  
Sub qua serenos enumeret dies  
Multos in annos, vivat honoribus;  
Quos magna virtus, quos labores  
Et celebres meruere dotes.







Sub Felicissimo Regimine

*Magnifici, Perillustri & Reverendissimi Domini,*

**D. M. JOANNIS  
LUKINI,**

U. J. DOCTORIS & PROFESSORIS, Ecclesi-  
arum; Cathedralis Crac: CANONICI, Collegi-  
atarum Visliciensis & SS. OO. Crac: Primicerij,  
Slawkoviensis PRÆPOSITI, Contuberniorū,  
Regio-Jageloniani & Jurisperitorum PROVI-  
SORIS, Studij Almæ Universitatis Craco-  
vienſis Generalis ac Vigilantiſſimi

**R E C T O R I S.**



*J. xxiii.*



si-  
gi-  
b,

S

fi-  
gi-  
b,



Biblioteka Jagiellońska



stdr0027190



